

宜章縣志 第六卷

建置志

城池 學宮 官署 書院 坊表 區公所  
警察所 禁煙所 育嬰堂 養濟院

城池 附三堡城

〔隋〕蕭銑據荊州遙控郴州諸地折郴南鄉為義章縣縣治

在永福鄉下村

按（舊唐書地理志）載蕭銑分郴置縣在大業十三年丁丑永福下村在今宜章縣西南四十里（湖南通志）作縣北蓋據永福舊治言之

〔唐〕武德七年廢義章八年復置

按仍在永福鄉武后長壽元年分

義章置高平縣開元二十三年廢高平徙義章於高平廢縣今

縣治是

〔宋〕淳熙間縣令吳鎰築宜章土城

宜章縣志

第六卷

建置志 城池

〔明〕成化八年知縣劉寧奏增築周圍五里三分高二丈五

尺厚一丈下鑿隍濠闊二丈深四尺串樓五百零二間

按先是天順八年

廣西流賊劫城舊城多圯故築

正德三年邑尙書鄧庠謀於知縣邱雲漢申請南贛都御史周

於三星橋白沙司白石渡抽分重砌基用大石上用大磚南北

築月城城外築三關開城門四東曰景星南曰得勝西曰紫雲

北曰朝天後改東曰麗春南曰迎薰西曰慶豐北曰拱辰建城

樓四東曰賓暘南曰霽雲西曰懷鳳北曰望京

明末四樓燬於兵燹

〔清〕康熙二十三年知縣鹿廷瑛因舊城傾頽重加整砌勘

丈週圍四百六十一丈五尺折算計二里五分一十一丈五尺





二十四年宜郴營參將張文輝捐貲重建城東門賓陽樓旋復  
地雍正九年知縣胡星另開新南門對三星橋名奎文門上建  
奎文樓乾隆六十年知縣衛際可以宜隸邊境門多則防守難  
周詳封新南門後復開如故嘉慶十六年知縣張映奎重修城  
東門賓陽舊樓道光十二年知縣王雲裁重修咸豐五年毀於  
賊六年知縣陳秀芝修復同治四年知縣姚念  
揚補民國八年知事劉運鴻撤取城磚改築舊考棚為高等小  
學校舊守備署為女子學校嗣後建築圖書館及附郭礮堡均  
取之於城磚城垣自此悉毀按縣城南以黃岑水為他二面向  
鑿有隍濠現均填塞僅存遺跡

〔黃沙堡城〕在縣西南九十里明洪武二十七年築按三堡  
建置源

流載洪武二十七年廣東連州長塘馬也賊劫笠頭  
洞調茶陵衛百戶朱銘程寧蔡榮防守築黃沙堡城城高一丈

宜章縣志 第六卷 置建志 城地

有奇縱橫各六十七丈週圍二百零四丈計一里三分南門曰

鎮南高七尺五寸廣六尺二寸北門曰朝天高八尺二寸廣七

尺東門畧窄西門封閉南北城樓二南樓高二丈中設觀  
音座北樓

高三丈中設關  
聖像民國十三年建築黃沙高等小學校於西城內

擴充城垣二丈設雨操場西門上築礮樓一座二十四年增築

東南北城上礮樓三座城內有鎮興朝仙  
騎龍城隍四廟

〔栗源堡城〕在縣南四十里明洪武二十七年築按三堡建  
置流源載

洪武二十七年立堡防禦廣東西山梅花遼水羅陽洞良口賊  
路一說洪武十一年百戶廖武陳德奉調來宜永樂九年統領

軍旗把截隘城高一丈二尺厚一丈週圍二百零四丈計一里

三分南北城門二北城門上立關聖廟城內有城隍廟東城  
內有新城隍廟又有堂名所堂即舊百戶公



署莽山長樂水乳源遼水會合流於城下

〔芭籬堡城〕在縣南七十里當黃沙栗源二堡之中明正統

四年築

按三堡建置源流載正統四年調撥郴州千戶卞璽百戶柳詔鎮守設立堡城把截莽山牛頭山及西山聖

公廟城週圍計一里三分東北城門二

按順治八年流賊曹志健由廣西龍虎關潛匿

宜境至芭籬堡擄掠人民城垣盡壞今堡城惟存東南二隅西北傾圮

按易稱重門擊柝以待暴客周禮地官司門掌授管鍵以啓

羽國門譏出入古之於城其重於此宜章介楚粵之交古稱

巖邑自宋以來城墉仡仡而三堡亦分築土城置戍兵以防

獯寇慎固封守設置固已周矣民國肇建官民狃於近安而

忘遠慮倡議撤城西北兩面已處處可越東南則市民多鑿

### 宜章縣志

#### 第六卷

建置志 城地

三

城垣築屋宇三堡土城亦多傾圮一旦有警何以禦之縣城

北枕高山清乾隆時山發蛟水北城圯水穿城南駛使在今

日城中官民其爲魚乎利害相權可以憬然悟矣

#### 附古城考

通志宜章古城考曰義章故城有二一在縣北四十里隋末

置縣唐開元中徙

一統志

義章隋大業末蕭銑分郴置武德七

年省八年復置長壽元年分南界置高平縣開元二十三年

廢高平仍移義章治高平廢縣

舊唐書地理志

一卽今宜章縣治唐

開元時所徙

一統志

義章縣開元時自縣北移於今

理志

嘉

慶舊縣志曰永福下村在今縣西南四十里通志作縣北誤



此舊省縣志云爾今據黃沙李峻林採訪稿云永福下村訪之耆老並無遺跡可尋舊治實在栗源堡境香口洞有村名營裏頭熊姓居之證一又有村名石街頭廖姓居之證二舊志載李毓錦香口洞詩曰煙草茫茫認故城證三此採訪稿云爾按隋末置縣其時干戈擾攘無殊僑置首尾不及百年度係土城久已夷爲平地永福下村既無遺跡可尋香口洞之營裏頭十字街當係營堡中地名如以名論平和洞之城頭村城牆壩亦見舊志無有疑爲舊治所在地者凡置治必擇形勢適中之處香口洞較之永福下村地尤偏遠矣姑錄以備一說

### 宜章縣志

#### 第六卷

置建志一城地

九

#### 學宮

〔五代以前無考〕〔宋〕始建學宮在縣治東九十步淳熙八年縣令雷濂徙縣治東六十步十二年縣令吳鎰重修象山陸九淵爲之記端平乙未縣令趙希逾以學宮夾於飛虎召募二塞之間曰矜佩絃誦豈可與介冑鉦鼓雜處遂遷於城外景星觀之右〔明〕正統中知縣馬經復改徙於城內縣治之西坐北向南朝天馬山正德間知縣莫汝器以學宮逼城垣徙於縣治東五步朝榜山嘉靖四十年知縣陳傅堯徙於舊基之北仍朝天馬山隆慶五年知縣陳憲徙於縣治東萬歷乙卯知縣劉珍復徙於縣治西崇禎三年知縣甄尙曾徙東五步〔清〕



順治十二年知縣張思正復徙於縣治東原建止聖殿兩廡戟門名宦鄉賢二祠餘俱未備因吳逆變亂多圯康熙二十一年知縣鹿廷瑛重修并建櫺星門二十二年教諭錢奇才訓導劉帶蕙復建明倫堂啟聖祠並濬泮池築橋三拱及左右圍垣殿前照牆康熙三十五年知縣蔣宗芝又徙於縣治西康熙四十六年知縣楊歲又徙於縣治東康熙六十一年知縣周士及雍正八年知縣胡星兩次重修乾隆十六年知縣吳德元重修大成殿乾隆十八年教諭歐陽一正重修兩廡大成門乾隆四十七年邑舉人吳德漢生員段士元等呈請知縣曾衍蕃改建於景星觀之前觀廢改爲養正書院經五載始成中爲大成殿南向殿之兩

宜章縣志

第六卷

聖賢祠

五

旁爲東西府前爲大門左爲名宦祠右爲鄉賢祠外櫺星門門外爲泮池外爲照牆東西爲禮門義路暨下馬碑後爲崇聖祠宜章營守備聞朝傑募修廟前大路邑庠生吳延梅捐濬上下泮池嘉慶十九年原任甘肅平羅縣典史吳楚翥生員吳楚翔兄弟重修泮池周繚磚牆上覆以石按乾隆壬寅年遷建文廟地勢逼窄監生吳家蕃捐

田五畝作東西廡以下地基

道光六年丙戌縣紳劉統鳳倡捐改建經始丙

戌三月至七年丁亥六月落成知縣揭鳳階爲之記是卽今之學宮光緒十二年教諭周綬榮重修民國五年駐軍破毀廡貢生鄭孝先募修十七年毀於共產黨十九年鄭孝先復募修現至聖牌位已無存兩廡先賢先儒石主被兵士取作講堂棹腳



二十九年創辦湘南中學校將兩廡及名宦鄉賢兩祠等處改築新式校舍僅大成殿巋然獨存亦改作禮堂

按吾縣在昔視學宮過重不知敬教勸學而以學宮之風水卜科第之盛衰自宋以來至十二遷始定今則視學宮過輕丁祭屢輟荆棘不除中央政府雖有明令禁駐軍隊而勢弗能禁任意摧殘狼藉不堪今昔是非姑置勿論而先代莊嚴壯麗之建築一任摧毀其傷慘為何如耶外患日棘彼狡逞者乃藉口同文同教貌為尊崇孔教欲以是籠絡人心傾覆我邦家而我國人一若熟視無覩焉嗚呼唏已

宜章縣志

第六卷

建置志 學宮

六

官署

附舊文武官署

〔縣署〕附〔司法署〕在城中偏北隅〔唐〕以前無考〔

宋〕淳熙時縣令雷淙建

〔康熙乙丑舊志〕自隋立縣建公署〔宋〕建炎中兵燹無存寄治圓

寺〔明〕洪武初頒公解式於天下知縣李輔重建嘉靖十三

年知縣胡勃建譙樓五楹於儀門前

郴州吏部左侍郎何孟春為之記

清康熙

二十三年知縣鹿廷瑛建三房於舊縣署之左四十七年知縣

楊箴鼎建大堂八房儀門門東為監獄前為頭門甬道戒石坊

後為二堂三堂四堂五十七年知縣繆詵於幕廳左房建搏香

齋

久廢六十年知縣周士於搏香齋大堂東偏建景宓堂旋改品

桂堂久廢乾隆十四年知縣吳德元重修大堂二十一年知縣楊



文植捐俸加修儀門譙樓及吏舍八房五十六年知縣石方川重修三堂及二堂左偏花廳花廳即博香齋舊址廳前修戲台及桃李園皆品桂堂舊址

嘉慶十四年知縣張映奎以二堂舊制窪狹升高改建較加宏

敞嘉慶十八年知縣陳永圖於廳署後拓買民房一棟園一所

按（舊志）縣署照壁一頭門一門內東偏為獄禁儀門一譙樓一門左土地祠門右壇官祠門內甬道戒石坊一東西書吏

八房大堂一左蕭曹祠堂右護國祠煖閣一左右兩房為庫二堂一東偏簽室花廳西偏書房二楹及西馬棚一堂後三堂住

房一棟左右各一棟及咸豐五年毀於賊六年知縣陳秀芝重

建九年復毀知縣吳清鶴重修十年又毀知縣雷壽南重修同

治元年知縣麻維緒增修於儀門懸一聯云窮秀才做官怕污

三世清名不受半文將法賣好百姓講理非被十分冤苦莫投

### 宜章縣志

#### 第六卷

建置志 官署 七

一字入門來宣統元年儀門改曰宜門游博儀譙民國元年設行政

廳及司法署司法官周震東改修二堂為法庭旋裁司法署行

政廳改稱知事公署民國十三年知事張維改修三堂左住房

為會議廳額曰偃室十五年知事劉卓改頭門外照壁一字形

作凸字形增高二尺十七年大堂被共產黨焚燬善後委員會

重修左右設六區田賦征收處以原兩庫房為征收員住室改

修二堂後住房為辦公廳改頭門外照壁仍舊作一字形十八

年改稱縣政府二十六年七月一日設司法處於二堂右偏舊

書房

按民國儀門內戒石坊地祠壇官祠蕭曹祠護國祠俱廢東西書吏八房先後為警備隊政警隊任所二堂左偏

在民國二十一年設行政廳十七年設清鄉委員會及餉械監理委員會二十二年遷設財政局二十二年遷設義勇總隊部二十



五年併設社訓總隊部右偏舊書房民國十七年設善後委員會是年冬設財政局二十二年設義勇總隊部

〔監獄署〕舊稱典史署在縣治儀門外西偏舊志舊在縣治東今廢

〔清〕康熙二十四年遷建頭門一大堂五楹二堂三楹偏右書

房旁舍三楹嘉慶十五年典史章廷相重修咸豐五年毀於賊

同治二年典史胡如杰重修民國二十二年知事劉紹誠建總

門於頭門外左側題額曰宜章縣監獄署

〔監獄附〕舊監獄在縣治儀門外東偏舊志內監二

間禁卒八名〔清〕末監房傾頽遷設縣治儀門外西偏即監獄署頭門外左

偏民國七年知事劉運鴻以監房腐狹拓買民間園土一塊建

築新式監房十間又於署頭門外修監房三間男看守七名女

宜章縣志 第六卷 建置志 官署 八

看守一名民國二十五年縣長曹家銘財政局長牛國英募資

重修

〔舊教諭署〕在縣治東舊志舊在縣治西即考洲地康熙四十四年教諭徐昌先建又教諭

曾得魯〔清〕乾隆三十四年邑孝廉吳德漢及紳耆改建者

棚遷教諭訓導兩署於縣治東中為明倫堂堂東為教諭署頭

門一門內左右房各三間左土地祠右門斗房大堂煖閣一內廳一楹後

室一楹左花廳書房上下二楹書房前圍一嘉慶二十年教諭

賀峻上增修咸豐五年毀於賊六年教諭郭清重建〔清〕末

裁教諭民國二年設縣有地方財產保管處十七年被共產黨

焚燬二十三年併明倫堂屋宇修建貧民工廠



〔舊訓導署〕在縣治東

（舊志）舊在縣治西卽考棚地康熙二十二年訓導劉帶蕙捐建後圯

借在老南門老義學內

〔清〕乾隆三十四年邑孝廉吳德漢等改建考

棚遷訓導署於縣治東與明倫堂址相連堂後廳房二楹堂右

書房一楹花廳一頭門一門內左房一間大堂煖閣一書房前

花園一園外菜圃一嘉慶六年訓導丁世琛重修〔清〕末裁

訓導設勸學所宣統二年改設自治所民國二年裁自治所仍

設勸學所十五年改設教育局十七年大堂被共產黨焚燬二

十一年教育局長李華春以頭門及大堂地址建築圖書館樓

屋三層二十五年財政委員會附設二樓

〔舊明倫堂〕在舊教諭訓導兩署間〔清〕乾隆十七年公

### 宜章縣志

#### 第六卷

建置志一官署

九

建照壁左右牆門各一門內廳爲鄉校堂前古柏雙株濃陰參

天光緒二十一年設勸學所并宣講所於此宣統二年設地方

自治研究所民國元年設教員養成所十一年設縣議會二十

三年併舊教諭署地址修建貧民工廠

〔舊白沙巡檢署〕在縣西南三十里

（舊志）知縣陳邦儀建已廢〔清〕

康熙五十一年巡檢梁鎮韓遷建梅田墟市中間頭門一門房

一花廳一內廳一左右耳房各一民國元年裁巡檢民國八年

湘政府委員拍賣官產署地由白沙公局公購民國十九年局

長胡天民於署頭門及隙地築屋二間以爲駐兵之所

〔舊赤司巡檢署〕在縣東六十里

（舊志）于常建久圯〔明嘉靖三十五年知縣陳



善遷建於舊基（清）雍正六年巡檢鞠緒武遷建赤石大街前五步復圯

之上上邊有塘汎下有宣統三年巡檢裁撤今基址坵墟

〔舊宜章營參將署〕在縣治東北隅即舊守備署（舊志）

守備周輔建〔清〕順治十年改為參將署乾隆二十年參將那蘭

保捐建勸射亭於署東小箭道內旋嘉慶十四年參將王兆祥

重修二堂十九年參將王槐重修署後武勝廟捐建營義學於

儀門西偏射圃之前倡率營員捐銀生息每年延師訓課營兵

家子弟署照牆東西轅門牆內左右鼓樓旗竿石獅各一頭門

左右班房儀門左右角門門東土地祠門西營義學門內甬道

左右案卷房大堂三楹中煖閣左右官廳二堂二楹內堂正房

宜章縣志 第六卷 建置志 官署 十

三楹上有樓曰靜遠堂旁為厨室雜舍二堂東偏為花廳前後

花園又東為小箭道東角為武勝廟大堂西偏為大射圃演武

廳一座四面圍牆俱備咸豐五年毀於賊參將鍾萬陞重建自

統二年裁參將民國元年設縣議會二年設團防總局嗣因年

久失修屋宇多圯十七年又遭共產黨焚燬夷為平地即今公

共體育場

〔舊守備署〕在縣城東南隅〔清〕順治十年建嘉慶十七

年守備曾世蘭重修後廳堂房屋一楹大堂東偏官廳西偏花

廳科房射圃儀門西偏土地祠署後園一宣統二年裁守備民

國元年設警務局七年知事劉運鴻改建縣立女子學校



〔舊城守把總駐房〕在城東南隅舊守備署之右頭門一左側武庫前廳一左側花廳一後廳一〔清〕宣統三年裁把總民國元年設禁煙公所八年設工藝廠十七年燬於共產黨二十六年建設菜場

〔舊把總駐房〕在城老南門內劉氏宗祠左側相連二所計大小房屋十八間〔清〕宣統三年裁把總民國二年併二把總駐房設警務局旋改警察所十七年改稱公安局二十六年改設戒煙所二十九年仍為警察局

〔舊千總駐房〕在縣南七十里笆籬堡城內頭門一前廳一中廳一後廳一計大小房屋十二間〔清〕宣統三年裁千總

宜章縣志

第六卷

建置志一官署

十一

駐房曠廢民國十三年笆籬堡七紳建築笆籬公局十七年燬於共產黨

〔舊外委駐房〕一在縣西南九十里黃沙堡城內頭門一左

側馬王廟前廳一後廳一計大小房屋七間按原設在堡城南里許曉夏街之南

名楊柳營清咸豐十一年燬於賊遷入堡城眾姓公所遂沿為官廨〔清〕宣統三年裁外委仍

為眾姓辦公所民國十九年改建黃沙公局旋稱第三區公所

一在縣東六十里赤石市〔清〕咸豐時燬於賊未建外委僦

居民房辦公宣統三年缺裁按清綠營制宜章營參將一守備

城內把總四一在城東南舊守備署右二在城老南門內一在永興縣城外委四一在黃沙堡一在赤石市一在郴州屬良田

一在永興  
屬程江口



〔舊火藥局〕在縣城北門內坐北向南前有抵民園後抵城垣左抵馬王廟全局廣袤占地面一百六十方尺計房屋大小三間今廢

〔舊較場〕在縣城東北里許演武廳一座計房屋大小四間前照牆一靶牆一左偏馬道一右偏塘房一前後左均抵民田右抵大路廣袤占地面五千三百方尺右塘房占地面六十方尺廳房久地現闢場地為縣苗圃

〔考棚〕在縣治西即舊書院及教諭訓導一署地址〔清〕乾隆三十四年邑孝廉吳德漢等遷建書院學署即以其地建立考棚前為照壁及右左牆門頭門左右耳房甬道左右為號舍北為大堂中設

宜章縣志 第六卷

建置志 官署

煖閣廳右雜房一椽內堂三楹號舍內共備號棹一百八十張

昌茂捐錢二百千寄鹽埠行息川供歷年修理之資嘉慶十年邑舉人吳楚翹及紳耆

捐置石棹石橙共一百二十一條於堂左添築號舍三楹嘉慶

十八年署知縣李克恒建東西鼓樓豎立旗杆墻門內設砌圍

坪摘載考棚地基碑考棚大堂下兩廂羣房西偏文塲至頭門外後牆外土地祠等地係舊儒學署原基大堂下引道至頭門中間地基係一都一甲李文鄭子孫捐東偏文塲至頭門外係舊玉琴書院原基東西轅門以內地地基係買高玉高文才高

日榮之業東偏舊文昌閣節孝祠前後園土上下左右以墻為界係屬邑公地逐年交看守考棚人佃種東轅門外餘地係考棚出入公路西轅門外忠肅公祠傍井外左邊餘地係十都五甲王用清子孫捐土地祠左邊房屋右邊房屋園土均係儒學

經營光緒三十一年停科舉考棚曠廢民國八年縣知事劉運

收租鴻邑庠生劉秉鈞改築縣立高等小學校拓左右園土地基建



設操坪校園

明時城內有布政分司按察分司行署又有主簿署醫學陰陽學有僧會司在普化寺道會司在景

早觀附錄備考按官之有署非第崇居處壯觀瞻也政令所自出而卷

牘公帑之皮藏賓僚媵屬之燕息椽屬僕御之棲止皆當為之

所舊武官署儒學署夷為平地或改為局所校舍惟縣政府監

獄署尚仍其舊亦僅足蔽風雨而已歷年既久屢經兵燹補苴

罅漏亦迥異舊觀矣

書院

〔育才書院〕在縣治西即舊考棚地清康熙二十二年知縣鹿廷

瑛建久廢

〔玉溪書院〕〔明〕鄭璽所建原在縣西〔清〕乾隆十四

宜章縣志

第六卷

建置志一官署

十三

年知縣吳德元復於文昌閣基內新建義學沿其名曰玉溪書

院四十二年舉人吳德漢改建考棚遷書院於縣南一里水口

山仍名玉溪六十年知縣衛際可以其規模少隘來學者或不

能容因改建書院於縣東枕榔山前名養正舊景星觀地以玉溪

書院居僧改為玉溪禪寺

〔養正書院〕在縣東一里枕榔山前蒙巖之上舊為景星觀

玉泉山僧道所居〔清〕乾隆六十年知縣衛際可改建中為

敬業堂左為齋舍曰課德凡八間右廂齋房凡十間慶嘉十八

年知縣陳永圖改修頭門於左道光二十九年知縣邵綬名重

修同治間知縣麻維緒於中廳前懸一聯云童子時遊釣曾經

加慶

後均廢



對白水黃岑饒有洙情沂思儒者事詩書具在萃南金東箭相  
期砥德礪行光緒末年知縣王兆涵於頭門集句聯云開口取  
將相委懷在琴書知縣劉熾於廳中懸一匾曰忠愛堂咸豐時  
邑紳蔣啟貴捐貲於院左側創築講堂一額曰講易山房縣紳  
李澤泮曾懸一聯云訪名區於蒙謙兌艮之旁重開講席仰先  
哲於鄜鄧高黃而後蔚起人文啟貴又於講易山房前建大廳  
一其左建齋房數間下臨蒙泉建上下樓房數間樓以住山長  
工堅費鉅前清末年設高等小學校於此民國以來校移考  
棚遂常爲兵營駐紮地屋宇多被破壞現縣倉附設於此

〔白沙書院〕在縣西南三十里梅田墟〔清〕道光年間建

### 宜章縣志

#### 第六卷

建置志一書院

十四

旋經兵燹傾圮光緒十年鄉紳黃鵬廷等重建上廳供至聖神  
牌中廳供關壯繆神牌下敞以庭左右翼以走廊宣統元年改  
設高等小學校民國二年改稱白沙高等小學校十五年改稱  
第一區高等小學校十七年校舍被共產黨焚燬十八年校長  
黃兆英局紳黃順震歐陽朗珊重修上廳及左右廂房二十年  
校長黃炳煬局長李濂改建左右廂房增樓繞檻白沙公局附  
設前廳左右廂旋改稱第一區公所

〔謙巖書院〕在縣西南八十五里黃沙堡〔清〕道光二十

四年建

按距黃沙堡城五里許連成墟之旁爲黃沙各姓公建

光緒三十二年廢科舉改

設初級小學校旋因與沙城合建學校於堡城舊院曠廢



〔沙城書院〕在縣西南九十里黃沙堡城南里許橋邊山

清〕道光二十四年建光緒三十二年廢科舉改設初級小學

校旋因與謙巖合建於堡城書院曠廢按沙城書院為堡城內

蕭蔡顏袁十二姓義塾清道光丁酉科舉入歐陽人驥為之記

曰宜章之義塾有六縣城一栗源一芭籬一至黃沙一堡則鼎

峙而三焉一為碕石彭姓所獨建一為關堡眾姓所共建而少

城則又居於堡與近於堡者別之通堡而建之也始倡議勸捐

與通堡合為一以爭地其遠近則分為兩予於是嘆沙城諸君

予之勇於為義也地不過三里許堡內則蔡杜數姓堡外則程

劉數姓衡以地之廣狹人之多寡以及捐貲之厚薄豈敵通堡

十分之一哉而奮然必為毅然莫阻與通堡之謙巖義塾建則

俱建成則俱成抑何果而確哉蓋首事諸君出重貲以為倡竭

全力以相赴而又各食其食土木以外無他耗以故富者樂捐

貧者樂助未一年而屹然以成則首事之功不容泯矣既落成

之五年眾議延師主講以書聘余者再至戊申春始由栗源而

移講席於此予見其規模制度質而堅邃而密距黃沙堡城止

半里即以沙城名其塾紀實也其山水迴環有妙趣其魚鳶飛

躍有生機其父老渾渾噩噩如無懷葛天之樸而古其子弟恂

恂抑抑異城闕宛邱之恍而遊信乎其為名教地哉既濫竽一載

諸君子以予旋里有期索予言以善其後予謂諸君子法良意

美奚俟予言雖然事不在一時在萬世業不在務名在求實教

不在執己在因人慎其始不索其終持其久不在其暫願以語

諸君子之經理於是塾者正其誼不謀其利明其道不計其功

願以語二三子之肄業於是塾者沈潛而克之以剛高明而克

之以柔願以語後來之繼我而主講於是塾者善為創復善為

因謹於教復謹於學則文學同鄉魯秀良并吳越而功名之迭

起不待言矣予於是厚望焉是為記

〔承啓書院〕在縣西南七十里黃沙碕石彭姓村後〔清〕

道光二十六年彭姓建咸豐十一年燬於匪清末重建後設高

初兩等小學校民國十七年復燬於共產黨

〔西山書院〕在縣七十里芭籬堡距堡城二里許〔清〕道

光二年建咸豐五年設團練局光緒六年設尚義局民國二年

宜章縣志

第六卷

建置志一書院



設高等小學校十三年改建芭籬高等小學校

〔栗源書院〕在縣南四十里栗源堡南門外東偏〔清〕道光三年建光緒六年設尙義局民國三年設高等小學校十七年燬於匪十八年改建栗源高等小學校

〔城東書院〕在縣東六十里赤石市大聖菴右側〔清〕同治九年建民國改元後傾圮

按書院始於唐置麗正書院迨宋有白鹿石鼓應天嶽麓四大書院元時路府州並設書院至清益盛由是教諭訓導僅司冊籍擁虛名而教士之權移於書院矣縣城東有養正書院各鄉亦有書院養正書院主於官山長例須舉人束脩歲

宜章縣志

第六卷

建置志一書院

十六

僅百二十元諸生贄敬亦菲不能遠聘名師率以兩教官更迭兼任自二月起十一月止官課齋課各一官課縣令主之齋課山長主之課時文一篇試帖詩一首官課獎賞由官捐廉生員分超特壹三等獎無定制超等第一名至多銀元三元以下有差壹等無獎童生分正取副取正取視生員減半副取無獎齋課生員分超特壹三等超等給膏火穀三斗特等二斗壹等一斗童生分正副取給穀視生員減半有首事二人經理書院公款由山長遴派住院生員充任住院生童年率六七十人來去無常食宿自便學術謏陋聞見錮蔽迨光緒二十八年更學制改養正書院爲高等小學堂各鄉書



書院亦次第改設矣鄉村家塾亦多有以書院名者不備載學  
堂詳學校志

坊表

五代晉天福時旌表李自倫為義門門安綽楔其制畧如今之  
牌坊蓋本古人表厥宅里之意宜章在宋僅止一坊明代最多  
或一人至有數坊何以焜耀虛榮不惜勞費若此考明相張江  
陵文集有辭楚中巡按表闈數啟且有不忍困鄉中父老以自  
炫其閭等語蓋係官紳歛費為之非其自建也清制凡建坊必  
請於朝故僅有節孝坊耆壽坊茲悉行輯錄非持表闈幽光抑  
可考歷代風氣焉

宜章縣志

第六卷

建置志一坊表

十七

坊表一

公孫進士坊

在南關外宋為李伯濬作解祖孫建

進士坊

在縣治西明為鄭塾建

大司馬坊

在縣治前明景泰元年為關塾建同治二三年知縣麻維緒修

豸繡坊

在縣治東明為高蔭先建

都憲坊

在縣治正街明為鄧庠建

尙書坊

在縣治前明正德十二年為鄧庠建民國時族人重修

保養天和坊

在縣城明為鄧庠建

世科坊

在縣治東明為鄧本道建

應奎坊

在縣治南明為曾達建

登瀛坊

在縣治南明為吳務敏建

義士坊

在縣治東明為鄧紳建

重光坊

在南關明為李必良李寬建

攀桂坊

在南關明為彭友諒建

世榮坊

在南關明為李本立建

毓和坊

在學宮西建

以下皆明

秀隅坊

在縣治西



清和坊在縣治南

朝京坊在縣治東

仁和坊在縣治南

世顯坊在縣治南

仙桂坊在縣治南

興賢坊在學左

繡衣坊在縣正街

安邊鎮遠坊在縣東

昭德蓄威坊在縣東

按毓秀以下十一坊久圯地址亦不可考在昔城中曰坊城外曰相蓋即坊巷之稱肇錫嘉名以自表異如今東門內之都督坊是也蘇杭城內衢巷多以坊名亦可借證舊志既併入坊表茲仍其舊

坊表二 貞節坊

宜章縣志

第六卷

建置志 坊表

十八

劉節婦坊鄧熙志妻康熙五十五年立

劉節婦坊鄧某妻康熙五十五年立

楊節婦坊李錡妻雍正三年立

通志補

歐節婦坊藍可行妻雍正八年立

吳節婦坊蘇性孝妻雍正八年立

嶺腳坪

鄧節婦坊李遠珠妻雍正八年立

吳節婦坊藍性學妻雍正九年立

都長村

江邊頭

藍節婦坊彭必楚妻雍正十年立

黃節婦坊陳才任妻雍正十年立

陳節婦坊楊復燦妻任縣東三十里

十里上田

黃節婦坊蔡宗第妻雍正十三年立

李節婦坊羅應乾妻乾隆元年立

城外

高節婦坊李象庶妻乾隆二年立



宋節婦坊 李德成妻乾隆元年

卷側

下潭

羅節婦坊 吳家亭妻乾隆二年

氏祠側

劉節婦坊 廖級邦妻乾隆九年

陳貞女坊 千總陳之璉女瑞英

黃節婦坊 生員彭文科妻乾隆十四年

城東門內

沙堡境碣石

黃節婦坊 李汝一妻乾隆

李貞女坊 李乃修女龍英乾隆四十八年

廖節婦坊 黃宗瓊妻乾隆五

縣南水泊岸

十里

黃節婦坊 監生蔡湘妻乾隆六十年

張烈婦坊 蕭通樾妻嘉慶十二

以上縣志

曾貞女坊 李淑珣聘妻嘉慶

宜章縣志 第六卷

建置志 坊表

十一

李節婦坊 吳德備妻道光五年

劉承寶妻某氏坊 道光十四

吳氏節婦總坊 道光二十三年

南十三戶

二里

歐陽烈女坊 歐陽丙南女道光二十六年

王節婦坊 歐陽榮妻道光

在白沙麻田墟

彭節婦坊 黃金煥妻同治三年

王節婦坊 李義獻妻同治七

里白羊潭

按縣人自昔風俗淳謹女子以貞節著者多矣凡請旌必由紳衿公呈縣署以上達於禮部彙奏請旨俟報可乃得建坊初請時費頗多建坊費尤鉅非富而有力者不克建坊貧者惟豎匾門楣而已夫石有時而泐惟托於文字可以不朽故



備錄焉其奉旌表未建坊者詳列女志

坊表三 耆壽

彭元揚坊

百二歲乾隆十九年立

鄺傳仁百歲坊

嘉慶十年立

區公所

附向義局公局

〔清〕咸豐間兵起設團防練鄉兵自衛分六團曰近城曰

白沙曰黃沙曰笆籬曰栗源曰赤石光緒間因新進生員繳

兩學印卷費各團士紳捐置田租以團局理其事故改稱尚

義地方公事如興學自治等事皆責成於局紳民元以後先後

改稱公局二十一年改稱區務公所二十四年改稱區公所

按清時局紳由知縣諭充民國改元區務漸繁地方推舉三人呈報縣署擇委局長一人局員二人二十一年改稱區務

宜章縣志

第六卷

建置志一坊表

二十一

公所區董直接由縣長委任二十四年奉省府頒自治區制改稱區公所區長由縣長呈報省民政廳委任助理員二人由區長呈報縣府委充

〔第一區公所〕在縣城東門內〔清〕光緒五年士紳吳楚

璐李榮墀彭德煥楊慶芳鄧高魁李觀永吳南潢曾如海胡爵

榮蕭祖芳鄺朝昌鄺宗璜等創建名近城尚義局亦曰尚義祠設

局董四人由李吳二姓各推派一人彭曾二姓輪派一人小章

各姓輪派一人任期兩年民國改元後增加一人由聯合各

小姓推派十三年知事歐陽新於局紳五人中擇委一人為局

長餘四人為局員十八年知事鍾卓齋破除舊例由士紳會議

推舉三人呈報縣府擇委局長一人局員二人二十一年改稱



區務公所區董一人區員二人二十四年改稱區公所區長一人助理員二人各區規制同現廢區改鄉各團向義局均仍舊制

附歷年局紳局長區董區長表

清光緒六年至民國十二年局紳

吳楚璐	彭德煥	李榮焜	楊慶芳
鄭發章	李榮章	蕭祖芳	吳楚雲
李觀承	彭燾龍	吳南潢	曾如海
李茂風	吳肅尚	曾岑漳	吳炳貴
吳炳文	曾志春	李向榮	李舒馨
彭述商	蕭祖化	楊國楨	鄧錫藩
歐陽啟	李純臣	曾子猷	鄧隆芳
蕭顯琛	吳寶全	鄺德淵	吳炳材
吳寶焜	彭彝濱	蕭際康	吳楚書
曾任遠	楊金鑑	楊正衡	高憲章
牛國英	李自華	鄺子潤	吳榮世
鷺文錦	李昭楨	鄺善選	李毓模
王克禮	吳希	曾咏梁	曾憲斗
楊枝露	吳榮春	吳梅林	李煥文

宜章縣志

第六卷

建置志一區長表 二一

民國十三年至二十一年局長 曾錦章 蕭祖化 吳羽儀

民國二十一年至二十二年區董 吳 榮 曾錦章

民國二十三年至二十七年區長 吳夙俊 牛世緒

〔第二區公所〕在縣西南三十里梅田墟附設白沙尙義局由全區學校前廳左右廂〔清〕光緒十年創設白沙尙義局由全區父老推選局紳二人民國改元呈由縣署加委十五年因區務繁劇增局紳一人十八年地方推舉三人呈報縣長擇委局長一人局員二人二十一年以後規制與第一區同

附歷年局紳局長區董區長表

清光緒十年至民國十七年局紳 黃賜廷 黃那英 王賢才 黃尙志 王夔弼 黃燦寅 歐陽鑒 李兆蓉



黃佐清	黃海雨	黃圭璋	鄧作信
歐陽柏	黃士節	歐陽煊	黃學典
黃順澤	歐陽輝	黃慶卿	歐陽熊
黃瑞光	李丙寅	黃青雲	歐陽玠
劉國瑞	黃兆英	鄧彪炳	黃文銑
胡裔薰	黃燮清	黃裕成	劉奎耀
鄧鎮雄	黃庭經	歐陽祖耀	李筆花
黃河鯉	文星燦	鄧華傑	黃海清
胡清潭	史炳南	黃玉堂	李濂
黃方枳	黃興晉	黃道平	歐陽朝漢

民國十八年至二十二年黃順震 胡天民 李濂  
 十年局長

民國二十一年至二十三年區董 胡健  
 二十六年區董

民國二十四年至二十六年區長 黃黎 鄧鎮邦

〔第三區公所〕在縣西南九十里黃沙堡城內〔清〕光緒六年創設黃沙尚義局於距堡城五里許謙巖書院局紳二人

宜章縣志 第六卷 建置志 區長表 二二二

宣統三年綠營裁撤遷入堡城舊外委駐房民國十一年改稱公局由地方推舉三人呈報縣署擇委局長一人局員二人十九年因屋宇傾圮全區士紳會議公推李鍾坤李半山經理新建公局計前後兩棟前棟樓房各四後棟大廳一樓房各四二十一年改稱區務公所規制與第一區同

附歷年局紳局長區董區長表

精光緒六年至民國十年局紳	黃攀桂	李秀芳	黃河清	曹汝霖
	彭十豪	周果達	黃榮廷	李華國
	黃先甲	彭肇畿	杜煥榮	袁梓滿
	周聯輝	李杜詩	彭壽	杜尚林
	李峻林	劉燃藜		

民國十一年至二十二年局長 彭陶 彭宗輿 李峻林 李半山  
 李菁華 黃忠贊 李紹沅 李元愷



李燦湘 李任吾

民國二十一年至 李元愷

二十三年區董  
民國二十四年至 杜 嵩 李元愷 李楚材 李 芳  
二十六年區長

〔第四區公所〕在縣南七十里距色籬堡城二里許黃土嶺  
〔清〕光緒六年創設色籬尚義局於西山書院民國十三年  
因書院改辦學校新建色籬堡公局於堡城舊千總駐房遺  
址十七年燬於共產黨僦黃土嶺民房辦公民國十五年改稱  
公局局長一人局員二人二十一年改稱區務公所規制與第  
一區同

附歷年局紳局長區董區長表

宜章縣志

第六卷

建置志一區長表 一三

清光緒時至民國  
十四年局紳

張榮封 李凌霄 夏之時 柳楷模  
范炳文 周樹焜 白 珩 范榮甲

陳玉屏 譚炳國 陳謙柄 周頌平  
張嗣遜 周營洛 周森榮 譚振世

曹昭莖 李溢城 余桂芬

民國十五年至二  
十年局長

范文瀾 張一鳴 余 椒 譚文明  
張毓楠

民國二十一年至  
二十三年區董 鄧瑞林

民國二十四年至  
二十六年區長 張宇文

〔第五區公所〕在縣南四十里栗源堡城上手團裡〔清〕  
光緒六年創設栗源尚義局於栗源書院民國十七年燬於  
共產黨二十年購今地新建公局歷年局紳三人十八年地方  
推舉三人早報縣長擇委局長一人局員二人二十一年改稱



區務公所規制與第一區同

附歷年局紳局長區董區長表

民國元年至十七年局紳

陳肇奎 譚宗福 李鴻壽 李樹森  
文自修 周維綱 陳康濟 胡紹唐

陳炳宣 姚鶴皋 文慶藻 王治慶  
楊應榮 李恪茂 周湘南 文伯勳

王經邦 陳純菴 李蕙臣 陳仲章  
周如金 陳壽吾 曾養志 曾榮

李樹藩 姚仲泉 曾魯 李恪鑫  
姚景琿 周匹休 李樹彬 王廷彥

民國十八年至二十年局長

陳子鑑 文集英 周紹濂 李培蘭

民國二十一年至二十三年區董

李樹森 胡鑄

民國二十四年至二十六年區長

李樹森 姚景煌

〔第六區公所〕在縣東六十里赤石市〔清〕光緒年間創

宜章縣志 第六卷 建置志 區長表 二四

設赤石尚義局於赤石市舊有公所民國三年改設公局局長

一人局員二人二十一年改稱區務公所規制與第一區同

附歷年局紳局長區董區長表

清光緒年間至民國二年局紳

谷鶯遷 楊玉階 蕭致中 謝國恩  
楊紹統 谷鳳翥 蕭昌寶 歐陽清源

民國三年至民國二十年局長

歐陽鴻 謝代薦 周毅 楊紹統  
楊壽山 張楚 谷效靈 歐陽鑑

谷炳耀 謝同然 楊書丹 歐陽鵬  
周成

民國二十一年至二十三年區董

譚時敏

民國二十四年至二十六年區長

謝梓材 周毅 楊一中 楊國鐘

〔莽山永安團防局〕在縣南一百一十里大廟側〔清〕咸

豐元年洪秀全起兵廣西連陽羣盜乘機竊發二年湘撫駱秉



璋檄辦團練頒給永安團練局鈐記立永安團練局直隸於縣  
 民國元年改為團防局十九年被水沖沒於舊局偏右新建  
 西式公所一座學校附焉二十一年改為鎮安特別鄉公所隸  
 笆籬第四區二十七年廢區併鄉編為保隸金泉鄉

附歷年局紳局長鄉董鄉長表

清咸豐二年至民  
 國十年局紳

黃道傳	鐘秀春	劉道南	黃炳燦
黃榮藻	周濬安	黃奪錦	黃華綬
黃建業	陳名舒	劉北翰	黃達元
黃泰高	劉統亮	黃建勳	譚萬鍾
黃列賓	劉永神	黃華實	

民國十一年至二十  
 十年局長

黃天祿	黃達元	劉占魁	劉占甲
劉統亮	陳名舒		

民國二十一年至  
 二十二年鄉董

陳名舒	黃天祿
-----	-----

宜章縣志 第六卷 建置志 區長表 二二五

民國二十四年至  
 二十七年鄉長

黃達道	譚代翔	劉統亮
-----	-----	-----

按自昔局紳介官與民之間地方公事官固倚以措辦民間爭  
 訟率先質成於局紳故局紳得人則事以舉而訟獄以稀否則  
 反是然多謹厚自愛其武斷害羣者卒鮮今日自治之基已權  
 輿於此各區組織同而產款豐嗇各異成效亦殊茲將姓名可  
 考者編列為表賢否自有鄉中月旦評也

警察局

初名警察局（清）宣統二年省巡警總監委縣廩生彭邦棟  
 為宜章縣警務長創辦警察設警務局於舊考棚民國元年  
 遷設舊守備署二年遷設老南門內舊把總駐房三年改稱



警察所十七年改稱公安局二十六年裁公安局改局長為警  
佐歸縣政府辦理現復為警察局

附警察官表

機關名稱	主管官名	姓	名籍	貫	到任年月
警察局	警務長	彭邦棟	本縣	宣統二年	
		鄧甲人	永興	民國元年	
警察所	所長	黃錫鑫	湘潭	民國二年	
		張庚明	郴縣	民國八年	
		吳鳳璋	本縣	民國十六年	
		鄧鎮邦	本縣	民國十七年	

宜章縣志

第六卷

建置志一警察局 一六

公安局	局長	暄衡	山	民國十七年
		石練	邵陽	民國十九年
		彭龍	常寧	民國二十一年
		唐文廬	醴陵	民國二十四年
		歐亞燮	寧遠	民國二十五年
警察所	警佐	莫尙中	邵陽	民國二十六年
警察局	局長	莫尙中	邵陽	民國二十八年十月

禁煙公所

民國元年省府委縣人牛國英為宜章縣禁煙所長設禁煙公  
所於舊守備署之右舊城守把總署創辦禁種禁吸事宜附



設土膏專賣局旋因時局關繫停止二十四年省禁煙委員會  
委禁煙專員到縣組設縣禁煙委員會以縣長兼委員長附設  
縣政府二十五年裁禁煙專員由縣長專辦省府委禁煙科員  
歸縣府第一科辦理設勒戒所於監獄署凡送赤貧煙民入所  
頒給戒煙丸藥勒戒並責成各區鄉村均組設勒戒所二十六  
年七月縣設戒煙所由省城禁煙委員會派長沙張鶴泉為所  
長傳集各區領照煙民入所自戒按售煙由商民繳費領牌  
照設土膏店及售吸所煙  
民分等級繳費領照甲照六元乙照二元丙照四角以六月為  
期按期繳費換照各依每日吸量向土膏店或售吸所購煙膏  
按期次第減少統限二十八年禁絕

按民國初年禁煙嚴厲犯者槍斃煙民嗜煙成癖愆不畏死

### 宜章縣志

#### 第六卷

建置志禁煙公所 二七

吸者仍多縣境不產罌粟販自境外欲絕其源當嚴行禁販  
煙無從購吸者不禁自絕換牌領照不過寓禁於征限年禁  
絕如不嚴厲執行竊恐於事無濟也

### 育嬰堂

舊育嬰堂在老南門外右偏即今養濟院地（清）雍正十三  
年知縣胡星建久廢嘉慶十三年知縣張映奎典史章廷相倡  
眾捐建於東門城內計廳堂二棟廂房共三間後園場相連二  
所嬰孩一口月給穀三斗布花銀一錢乳婦人月給穀六斗工  
費銀三錢捐置田租支給向由近城士紳公推紳董經理光緒  
年間嬰孩口繁費缺知縣劉熾善繪畫月捐畫資補助旋由近



城善士李榮增等捐置田租給養民國十二年育嬰堂地址  
改建近城模範小學校十七年經共產黨逼奪租穀焚燬新舊  
捐置田產契據共產黨去後近城士紳復推舉蕭祖化彭述商  
經理適宜椰公路通車提撥大路會餘貲作為育嬰費增置田  
五畝一分嬰孩一人口月給銀四角經理人員純屬義務性質不  
支薪津現育嬰一百二十餘口

〔附育嬰堂田產〕跌牛岱坵秋江田四畝曾三恩耕蘭頭橋落

墩坵田三畝彭黑子耕龍門坦田六畝王保泰耕宅刺樹下田一坵又

毛兵頭田一坵共二畝五分周光芹耕九龍廟背後田一坵又九

龍廟後花茵田一坵共二畝周光芹耕吳家村田一畝吳材慶耕雷

宜章縣志

第六卷

建置志一育嬰堂

二八

公田一坵計一畝吳南焜耕下流洞托背樹下田二坵計二畝彭紹

商耕廣田崇山裏三殿江田十二畝彭同養耕謝家墜下洞黑山裡

劉家山背田二坵計二畝吳順成耕謝家墜對門江長田一坵計

一畝李榮茂子黑子耕謝家墜田一畝五分李恩春耕上

長坪井洲田六坵計三畝吳學保耕下委嶺井塘坪大路勘上田

五坵勘下田二坵共計七畝李恩明鄧隆盛耕水浸甯水灣田三坵

計二畝曾德丙耕青溪山老屋脚田三坵計五分十都八甲溫李氏捐

李恩明耕白毛冲田六畝計十一坵鄧秋和耕楊家墜蔡家門首田十

坵計六畝李元魁耕鑪子坪田三坵計四畝彭外啟耕大湖裡高勘上

田三坵計一畝鄭發忠耕廣田新屋場下田三坵計二畝彭子才耕雷



打石田三畝羅玉麟耕岑水竹雞塘原田五畝今四畝鄧四喜耕洛

角荷樹塘田一坵計一畝鄧德普耕(舊志)六莽山西嶺

村田一處計四畝黃如松耕(舊志)樟寒冷水頭中洞書

房門首田一坵計一畝六分載糧四升吳開銑耕民國二十五年二月新道沙

圳裡凹坵田一坵又良田背後田一坵共計二畝載糧六升

二合五勺李義古耕民國二十六年四月新置西鄉洞藍家門田一坵又水冲

田一坵共計一畝五分載糧三升一合一勺蕭順順耕民國二十八年五月

新置以上共計田八十六畝六分立納糧花戶一一戶養女堂

餉壹兩零三分二釐一戶育嬰堂餉壹兩七錢伍分八釐東

門內近城尙義局右側店房一間每年租洋三十元南關下

宜章縣志 第六卷 建置志 育嬰堂 一一九

李氏宗祠對面店房一間每年租銀四元民國二十八年以此店換得曾致遠

田見育嬰堂對面地租每年二元按增捐田產因契據燬於後赤匪姓名失考且田畝地

名與舊志多不相符歷年已久無從稽考

按天性之恩何人蔑有貧民迫於生計生女不舉實不得已也律設大法亦不能禁惟賴社會之救濟而已縣城育嬰堂產款無多僅能及附近數里內之貧民而給養亦微擴而充之以及於四鄉是所望於富而好善君子

民國二十七年捐款善士

李志雲捐國幣五百元 蕭文鐸捐國幣二百元

鄧業厚捐國幣二百元 李福德捐國幣二百元



蕭仰漢捐國幣六十元

曾錦鈞捐國幣五十元

鄺允熙捐國幣一十元

以上捐款經鄺子潤彭立廷買置田產

一處得買西鄉茶花圳田一坵計六畝

一處得買西鄉大洋洞楊家壩田六坵計五畝五分

一處南關店房換得曾致遠地名成家村壕下田一坵計

二畝

### 附舊碑文

賞戴花翎奏調湖北撫標中衛叅府湖南宜章營叅府蔣 爲

泐石永垂事宜邑舊有育嬰堂自兵燹屢經遂久廢不舉光

## 宜章縣志

### 第六卷

建置志一育嬰堂 三十一

緒七年春余分鎮斯土每談及此心甚惻然因糾眾倡捐頗形踴躍計所收數已得洋帑二百六十九兩零置腴田十九畝歲收租穀二十四担又查出舊存育嬰堂田租二十三担嗣於八年冬經前縣陳接奉

撫憲下札飭勸辦育嬰又經在本邑伙鹽項下籌款添助茲將新舊契據二紙概交首士李榮增李茂風吳拜颺李光永李榮堅彭德煥彭蟠龍吳楚雲經管除移縣稟請 各大憲立案外用以泐石夫人之欲善誰不如我况孺子入井惻隱皆同後之保赤情殷者將由是擴而充之也區區此數云耳哉



計開新置田畝

一處得買地名廣田崇山下三殿江田十三畝

一處得買地名西庄洞白毛冲田六畝

計開舊存田畝

一處地名長坪荒井裡田三畝

一處地名謝家墜下洞水田一畝

一處地名龍門坦和尚塘水田六畝

一處地名下臺漏三處共水田四畝此田今無存因時事變遷無從考查

一處地名上寮托背樹下水田二畝

一處地名吳家村租谷七斗

宜章縣志

第六卷

建置志 育嬰堂 三

一處地名水進窩租谷二担五斗

一處地名洛角租谷一担

一處地名莽山租谷四担八斗

一處地名謝家墜嶺脚長田一畝

一處地名廣田租谷二担

無名氏捐銀二十九兩六錢 李光清捐銀七十兩

正堂宋捐銀七兩零一分 夏榮利捐銀十二兩七錢

八分 李星垣捐銀一百四十兩

彭巨魁捐銀二兩五錢 溫大綬捐銀一兩四錢二

分 黃明珍捐銀九錢九分



馮九真捐一兩三錢六分

劉得忠捐銀六錢

泰和捐銀一兩

呂良貴捐銀一兩四錢

李宗舜捐銀六錢二分

以上各捐奏買前項田不敷伙鹽加補

養濟院

在縣城老南門外〔清〕嘉慶戊辰年知縣張映奎與史章廷相以舊育嬰堂地址改建計廳堂一棟左右廂房十二間

按舊

院乾隆丙辰年署知縣吳瀚建在舊育嬰堂右邊即今院之右距四丈許年久圯廢其基址尚存即老南門外城下一帶園場也孤貧口糧額設十七名每名日支銀六釐有額徵支銷民國反正後正供額支孤貧口糧停止地方以文星街米場地租每月大洋五元提給孤貧口糧由財政局按月支給